

სამოსამართლო გამოცდილების არმქონე მოსამართლეობის კანდიდატის შეფასების ფორმა

მოსამართლეობის კანდიდატის ქეთევან სტურუას შეფასების შედეგი:

| მოსამართლეობის კანდიდატის შეფასება კეთილსინდისიერების კრიტერიუმის მიხედვით | | |
|--|-------------------------------------|------------------|
| მოსამართლეობის კანდიდატი არ აკმაყოფილებს კეთილსინდისიერების კრიტერიუმს | <input type="checkbox"/> | |
| მოსამართლეობის კანდიდატი აკმაყოფილებს კეთილსინდისიერების კრიტერიუმს | <input type="checkbox"/> | |
| მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს | <input checked="" type="checkbox"/> | |
| მოსამართლეობის კანდიდატის შეფასება კომპეტენტურობის კრიტერიუმის მიხედვით | | |
| კრიტერიუმი | მიღებული ქულა | მაქსიმალური ქულა |
| სამართლის ნორმების ცოდნა | 22 | 25 |
| სამართლებრივი დასაბუთების უნარი და კომპეტენცია | 23 | 25 |
| წერისა და ზეპირი კომუნიკაციის უნარი | 18 | 20 |
| პროფესიული თვისებები | 14 | 15 |
| აკადემიური მიღწევები და პროფესიული წვრთნა | 7 | 10 |
| პროფესიული აქტივობა | 3 | 5 |
| ქულათა ჯამი | 87 | 100 |

ირაკლი ბონდარენკო:



თარიღი: 09.12.2024



საქართველოს იუსტიციის უმაღლესი საბჭოს წევრი

ირაკლი ბონდარენკო

საქართველოს რაიონული (საქალაქო) სასამართლოების მოსამართლეობის კანდიდატთა შესარჩევ კონკურსში მონაწილე კანდიდატის ქეთევან სტურუას შეფასება/დასაბუთება

საქართველოს იუსტიციის უმაღლესი საბჭოს 2024 წლის 17 ოქტომბრის №1/115 განკარგულების საფუძველზე დაიწყო კონკურსი საქართველოს საერთო სასამართლოებში 38 ვაკანტურ თანამდებობაზე მოსამართლეთა დანიშვნის მიზნით.

კონკურსის ფარგლებში განგახორციელებული კანდიდატ ქეთევან სტურუას შეფასება შეფასების დასაბუთებისას ვიხეილმდგანელებული „საერთო სასამართლოების შესახებ“ საქართველოს ორგანული კანონის 35-ე მუხლის მე-3 და 34¹ მუხლის მე-11 პუნქტებით.

კანდიდატს აქვს უმაღლესი იურიდიული განათლება (მაგისტრი), სპეციალობით მუშაობის 8 წლიანი გამოცდილება.

აღნიშნული გარემოების გათვალისწინებით, კანდიდატი შევასწავს სამოსამართლო გამოცდილების არმქონე კანდიდატის შეფასებისთვის ორგანული კანონით დადგენილი მახასიათებლებით, საბჭოს სტრუქტურული ერთეულის მიერ მოპოვებული ინფორმაციისა და კანდიდატის საჯარო მოსმენის პროცესში გამოვლენილი პიროვნული და პროფესიული თვისებების გათვალისწინებით.

1. კანდიდატის შეფასება კეთილსინდისიერების კრიტერიუმით

სამოსამართლო გამოცდილების არმქონე კანდიდატის კეთილსინდისიერების კრიტერიუმით შეფასებისას მხედველობაში მიიღება 35¹ მუხლის მე-16 პუნქტით დადგენილი მახასიათებლები: პიროვნული კეთილსინდისიერება; პროფესიული სინდისი; დამოუკიდებლობა; მიუკერძოებლობა და სამართლიანობა; პიროვნული და პროფესიული ქცევა; პიროვნული და პროფესიული რეპუტაცია.

1.1. პიროვნული კეთილსინდისიერებისა და პროფესიული სინდისის მახასიათებლით კანდიდატის შეფასებისას გათვალისწინება პირის როგორც მოქალაქის – კეთილსინდისიერება, მოვალეობებისა და პასუხისმგებლობის პატიოსნება, შესაბამისი შეგნება, გამჭვირვალობა, კორექტულობა და სიზუსტე სამსახურებრივი თუ სხვა მოვალეობების, ფინანსური თუ სხვა ვალდებულებების შესრულებისას (მაგალითად,

ქონებრივი დეკლარაციის შევსებისას, ბანკის ან სხვა ვალის, კომუნალური ან სხვა გადასახადის გადახდისას, საგზაო მოძრაობის წესების დარღვევისათვის ჯარიმის გადახდისას) და სხვა.

რეკომენდატორები და სხვა გამოკითხული პირები კანდიდატ ქეთევან სტურუას ახასიათებენ როგორც შრომისმოყვარე, თავაზიან, გულწრფელ, პასუხისმგებლობის მქონე, პროფესიონალ, თავმდაბალ, განათლებულ, პიროვნულად მტკიცე და კეთილსინდისიერ პიროვნებას.

კანდიდატს აქვს მიმდინარე სესხი, აქვს დადებითი საკრედიტო ისტორია, ხოლო სახელმწიფო ბიუჯეტის მიმართ დავალიანება არ ერიცხება. კანდიდატის სახელზე რეგისტრირებულია უძრავი ქონება უძრავი ქონების რეესტრში არსებული ინფორმაცია შესაბამისობაშია ქონებრივი მდგომარეობის დეკლარაციასთან.

საქართველოს შინაგან საქმეთა სამინისტროს საინფორმაციო ანალიტიკური დეპარტამენტიდან გამოთხოვილი ინფორმაციის თანახმად, ქეთევან სტურუას მიმართ საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევის ფაქტზე შედგენილი ქვითარი არ ფიქსირდება.

ქალაქ თბილისის მუნიციპალიტეტის ტრანსპორტისა და ურბანული განვითარების სააგენტოდან გამოთხოვილი ინფორმაციის თანახმად, კანდიდატის მიმართ საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევის ფაქტზე შედგენილი ქვითარი არ ფიქსირდება.

1.2. დამოუკიდებლობა, მიუკერძოებლობა და სამართლიანობა

აღნიშნული მახასიათებლით კანდიდატის შეფასებისას გაითვალისწინება მისი პრინციპულობა, გადაწყვეტილების დამოუკიდებლად მიღების უნარი და ზეგავლენის მიმართ მედეგობა, პიროვნული სიმყარე და შეუვალობა და სხვა.

კანდიდატთან საქმიან ურთიერთობაში მყოფი პირების შეფასებით ქეთევან სტურუა არის მიუკერძოებელი, ნეიტრალური, ობიექტური, ყურადღებიანი, ზეგავლენის მიმართ არის მედეგი, სამართლიანი პიროვნება. გამოკითხული რესპოდენტები მიუთითებენ, რომ კანდიდატს შეუძლია საკუთარი მოსაზრების დაცვა, აქვს უნარი გადაწყვეტილების მიღებამდე მოისმინოს სხვისი არგუმენტები, შეუძლია საკუთარი შეცდომისა და სისუსტის აღიარება, გააჩნია გადაწყვეტილების დამოუკიდებლად მიღების უნარი.

კანდიდატი არასდროს ყოფილა პოლიტიკური პარტიის წევრი/მხარდამჭერი და შემომწირველი.

1.3. პიროვნული და პროფესიული ქცევის მახასიათებლით კანდიდატის შეფასებისას გაითვალისწინება მისი კორექტულობა კოლეგებსა და სხვა პირებთან ურთიერთობისას, თავდაჭერილობა, საკუთარი ემოციების მართვის უნარი, სასამართლოში წარმართული დავები, სადაც იგი მონაწილეობდა როგორც მხარე, მის მიმართ სისხლისსამართლებრივი ბრალდება (ასეთის ფაქტების არსებობის შემთხვევაში) და სხვა. საჯარო მოსმენისას მიღებული შთაბეჭდილება.

მოდებული ინფორმაციის თანახმად, კანდიდატის მიმართ დისციპლინური დევნა არ დგინდება.

კანდიდატის დაზარალებულად ცნობასთან დაკავშირებით ინფორმაცია არ იძებნება. სასამართლო დავაში მხარედ მონაწილეობა არ ფიქსირდება. კანდიდატის თაობაზე მოძიებული ინფორმაციით არ დგინდება ქეთევან სტურუას მიმართ სისხლისსამართლებრივი დევნა და მხარედ ყოფნა სასამართლო დავაში.

რესპოდენტების შეფასებით, კანდიდატი არის კორექტული კოლეგებთან და სხვებთან ურთიერთობაში. არის კომუნიკაბელური, თავდაჭერილი, გააჩნია უნარი განსაზღვროს სამუშაოს პრიორიტეტულობა, ყურადღებით მოუსმინოს მხარეებს, შეუძლია ობიექტურად განიხილოს, გააანალიზოს, შეაფასოს ნებისმიერი საკითხი, ურთიერთობაში გამოიჩინოს ზომიერება თანმიმდევრულობა, ტოლერანტობა. გამოიჩინა საკუთარი ემოციების მართვის უნარით და იცავს სამოსამართლო ეთიკას.

1.4. პიროვნული და პროფესიული რეპუტაციით კანდიდატის შეფასებისას გაითვალისწინება მისი საქმიანობა, მორალური რეპუტაცია და ავტორიტეტი იურიდიულ წრეებსა და საზოგადოებაში.

კანდიდატს რეკომენდატორები და გამოკითხული პირები ახასიათებენ დადებითად, კულტურულ, ღირსეულ და მოწესრიგებულ პიროვნებად. კოლეგებთან სარგებლობს ძალიან კარგი რეპუტაციით, სიყვარულითა და პატივისცემით, აქვს განსხვავებული აზრის პატივისცემის უნარი, არის პიროვნულად მდგრადი, შესწევს უნარი ისწავლოს რაც შეიძლება მეტი. ქეთევან სტურუას შესახებ ინტერნეტ სივრცეში ინფორმაცია ვერ იქნა მოძიებული.

კანდიდატი კეთილსინდისიერების კრიტერიუმის ყველა მახასიათებლით შემოწმებისას შევაფასე დადებითად. შესაბამისად, მიმაჩნია, რომ ქეთევან სტურუა **სრულად აკმაყოფილებს** კეთილსინდისიერების კრიტერიუმს.

2. მოსამართლეობის კანდიდატის შეფასება კომპეტენტურობის კრიტერიუმის მიხედვით.

სამოსამართლო გამოცდილების არმქონე კრიტერიუმით საქართველოს რაიონული (საქალაქო) სასამართლოს მოსამართლის შესარჩევ კონკურსში მონაწილე კანდიდატის შეფასებისას მიხედველობაში მიიღება ორგანული კანონის 35¹ მუხლის მე-16 პუნქტით დადგენილი შემდეგი მახასიათებლები: სამართლის ნორმების ცოდნა; სამართლებრივი დასაბუთების უნარი და კომპეტენცია; წერის უნარი; ზეპირი კომუნიკაციის უნარი; პროფესიული თვისებები, მათ შორის, ქცევა სასამართლო დარბაზში; აკადემიური მიღწევები და პროფესიული წვრთნა; პროფესიული აქტივობა.

2.1. სამართლის ნორმების ცოდნა

მითითებული მახასიათებლით კანდიდატის შეფასებისას გაითვალისწინება მატერიალური და საპროცესო კანონმდებლობის, ადამიანის უფლებების სამართლის, მათ შორის, ადამიანის უფლებათა ევროპული სასამართლოს პრეცედენტული სამართლის, ცოდნის დონე, აგრეთვე, კანდიდატის მიერ ჩაბარებული მოსამართლეობის საკვალიფიკაციო გამოცდის შედეგები და იუსტიციის უმაღლესი სკოლის დამოუკიდებელი საბჭოს შეფასება.

კანდიდატის მიერ წარმოდგენილი და იუსტიციის უმაღლესი საბჭოს მიერ მოპოვებული ინფორმაციის საფუძველზე, შეიძლება ითქვას, რომ კანდიდატი ქეთევან სტურუა კარგად ფლობს მატერიალურ და საპროცესო კანონმდებლობას, ადამიანის უფლებათა ევროპული

სასამართლოს პრევედენტულ სამართალს. აქვს უნარი სამართლებრივად და არგუმენტირებულად გადმოსცეს საკუთარი აზრი.

საჯარო მოსმენის შედეგად ნათელი გახდა, რომ ქეთევან სტურუა იცნობს, როგორც სისხლის სამართლის, ასევე ადმინისტრაციული სამართლის სფეროს, საპროცესო კანონმდებლობას, საქართველოს კონსტიტუციას და ეცნობა კანონმდებლობაში განხორციელებულ ცვლილებებს.

აღსანიშნავია, რომ ქეთევან სტურუას ჩაბარებული აქვს მოსამართლეობის საკვალიფიკაციო გამოცდა მიღებული ქულა - 75/18). ვინაიდან კანდიდატი მოსამართლეობის გამოცდილების არმქონეა, მხედველობაში მიიღება იუსტიციის უმაღლესი სკოლის შეფასება, რომელიც დადებითია.

სკოლის შეფასებით კანდიდატს გააჩნია კარგი თეორიული ცოდნა, შეუძლია სამართლებრივი არგუმენტების მოძიება, მათი ერთმანეთთან სწორად დაკავშირება და შესაბამისი დასკვნის გამოტანა. აქვს სამართლებრივი ანალიზის კარგი უნარი, არგუმენტირებული და დახვეწილი სამართლებრივი მსჯელობა. მის მიერ მომზადებული გადაწყვეტილებების პროექტები აკმაყოფილებს დადგენილ სტილისტურ და ფორმალურ სტანდარტს. მის მიერ მომზადებული გადაწყვეტილებებისა და განჩინებების პროექტები წერილობით სწორად და თანმიმდევრულად არის ჩამოყალიბებული.

ყოველივე ზემოაღნიშნულის გათვალისწინებით, მიმაჩნია, რომ ქეთევან სტურუას უნდა მიენიჭოს მაქსიმალური **25 ქულიდან 22 ქულა**.

2.2. სამართლებრივი დასაბუთების უნარი და კომპეტენციის ძახასიათებლით კანდიდატის შეფასებისას გაითვალისწინება მისი ანალიტიკური აზროვნების უნარი და პროფესიული გამოცდილება.

ქეთევან სტურუამ, გამოავლინა კარგი თეორიული ცოდნა და შესაბამისად ახდენს პრაქტიკაში მის გამოყენებას. აქვს სამართლებრივი ანალიზის კარგი უნარი. შეუძლია სწორი არგუმენტების მოძიება და შესაბამისი დასკვნების გამოტანა. სტაჟირების პერიოდში კანდიდატის შრომა იყო ეფექტური და ნაყოფიერი, გამოირჩევა მუშაობის ხარისხით, მიზანდასახულობით. შეუძლია ნათლად და გასაგებად გადმოსცეს სამართლებრივი საკითხები. მისი უნარები პასუხობს მაღალ სტანდარტებს და სრულად შეესაბამება მომავალი სამოსამართლო საქმიანობის ღირსეულად განხორციელებას. აქვს უნარი კარგად გამოკვეთოს პრობლემა და მიუთითოს მისი გადაჭრის გზები. არის კომუნიკაბელური, კოლეგიალური, გაწონასწორებული, შრომისმოყვარე, პასუხისმგებელი. მის მიერ მომზადებული გადაწყვეტილებების პროექტები აკმაყოფილებს დადგენილ სტილისტურ და ფორმალურ სტანდარტს, წერილობით სწორად და თანმიმდევრულად არის ჩამოყალიბებული.

ის კარგად იცნობს სასამართლო პრაქტიკას და სამოქალაქო სამართლის პრობლემური საკითხების ნორმათა ინტეგრაციას სამოსამართლო სამართალში.

საჯარო მოსმენის პროცესზე კანდიდატმა არსებითად სწორად იმსჯელა სხვადასხვა სამართლებრივ საკითხზე.

ყოველივე ზემოაღნიშნულის გათვალისწინებით, მიმაჩნია, რომ, ქეთევან სტურუა უნდა მიენიჭოს მაქსიმალური **25 ქულიდან 23 ქულა**.

2.3. წერის უნარის და ზეპირი კომუნიკაციის უნარის მახასიათებლით კანდიდატის შეფასებისას გაითვალისწინება აზრის ნათლად და გასაგებად გადმოსცემის, ლოგიკური მსჯელობისა და ანალიზის უნარი, გამართულად მეტყველების უნარი, სხვისი აზრის მოთმინებით მოსმენის უნარი, ღიაობა, განსხვავებული აზრის მოსმენის შესაძლებლობა და სხვა.

გამოკითხული პირები უთითებენ, რომ კანდიდატი კარგად ფლობს წერისა და ზეპირი კომუნიკაციის უნარს. აზრის გადმოსცემს ლაკონურად, თანმიმდევრულად, გამართულად, მარტივად და გასაგებად. შესწევს უნარი სამოქალაქო დავათა განხილვისას ფაქტობრივი გარემოებები და სადავო საკითხები სამართლებრივად გამართულად და გასაგებად გადმოსცეს, გაამახვილოს ყურადღება მხოლოდ მნიშვნელოვან საკითხებზე.

კანდიდატი გასაუბრებისას მშვიდად და დამაჯერებლად პასუხობდა საბჭოს წევრების მიერ დასმულ შეკითხვებს, კვალიფიციურად ასაბუთებდა საკუთარ პოზიციას, ნათლად და გასაგებად გადმოსცემდა საკუთარ შეხედულებებს.

კანდიდატს არ წარმოუდგენია სამართლებრივი პუბლიკაცია ან ნაშრომი. იუსტიციის უმაღლესი სკოლის დამოუკიდებელი საბჭოს შეფასებით - ქეთევან სტურუამ წერილობითი დავალებები შეასრულა მაღალ დონეზე. მის მიერ მომზადებული გადაწყვეტილებების პროექტები, სამართლებრივი დასკვნები მოწონებას იმსახურებდა და მხოლოდ უმნიშვნელო შესწორებებს საჭიროებდა. საქართველოს იუსტიციის უმაღლესი სკოლის დამოუკიდებელ საბჭოს მიაჩნია, რომ მან უნდა იმუშაოს, სემინარული მუშაობისას დაშვებული მცირე შეცდომების გამოსწორებაზე, სისხლის სამართალში წერილობითი უნარების უფრო მეტად განვითარებაზე.

ყოველივე ზემოაღნიშნულის გათვალისწინებით, მიმაჩნია, რომ აღნიშნული მახასიათებლით შეფასებისას, ქეთევან სტურუას უნდა მიენიჭოს მაქსიმალური **20 ქულიდან 18 ქულა**.

2.4. პროფესიული თვისებების ქცევის, მახასიათებლით კანდიდატის შეფასებისას გაითვალისწინება მისი პუნქტუალურობა, შრომისმოყვარეობა, დამოუკიდებელი აზროვნების უნარი, სტრესულ სიტუაციაში მუშაობის უნარი, მიზანდასახულობა, პროდუქტიულობა და სისწრაფე, მენეჯერული უნარ-ჩვევები და სხვა.

რეკომენდატორები ქეთევან სტურუას ახასიათებენ დადებითად, შრომისმოყვარე, მიზანდასახულ, პუნქტუალურ და სწრაფი აზროვნების უნარის მქონე პიროვნებად. კანდიდატს აქვს სამართლებრივი საკითხების ღრმა და ჯეროვანი გააზრების, ემოციების მართვის, სხვისი აზრის მოსმენის, ახალი ინფორმაციის, მასალის ადვილად ათვისების და გაანალიზების, სხდომის ორგანიზებისა და მართვის უნარი. აქვს უნარი იმუშაოს სტრესულ სიტუაციაში.

ყოველივე ზემოაღნიშნულის გათვალისწინებით, მიმაჩნია, რომ აღნიშნული მახასიათებლით ქეთევან სტურუა უნდა შეფასდეს განსაზღვრული მაქსიმალური **15 ქულიდან 14 ქულით**.

2.5. აკადემიური მიღწევები და პროფესიული წვრთნა

მითითებული მახასიათებლით კანდიდატის შეფასებისას გაითვალისწინება სიახლეების მიმართ მისი ღიაობა, თვითგანვითარების უნარი, საოფისე კულტურა, ახალი ცოდნისა და უნარების შეძენის ინტერესი, პროფესიული წვრთნის პროგრამებში მონაწილეობა, შეძენილი ცოდნისა და უნარების პრაქტიკულ საქმიანობაში გამოყენება და სხვა.

ქეთევან სტურუას მონაწილეობა აქვს მიღებული სასამართლო სისტემისა და მართლმსაჯულების საკითხებზე გამართულ ღონისძიებაში:

კერძო და ბიზნესის სამართლის აქტუალური პრობლემები - საქართველოს სამართლის ინსტიტუტი, 2019წ. ადმინისტრაციული სამართლის ფორუმი - საქართველოს ადვოკატები დამოუკიდებელი პროფესიისთვის, 2021წ. ზავშვთა უფლებათა კოდექსი - იუსტიციის უმაღლესი სკოლა, 2021წ. და სხვა.

ყოველივე ზემოაღნიშნულის გათვალისწინებით, მიმაჩნია, რომ აღნიშნული მახასიათებლით შეფასებისას, ქეთევან სტურუას უნდა მიენიჭოს მაქსიმალური **10 ქულიდან 7 ქულა**.

2.6. პროფესიული აქტივობა

პროფესიული აქტივობის მახასიათებლით კანდიდატის შეფასებისას გაითვალისწინება ინიციატივის გამოჩენის უნარი, იდეებისა და წინადადებების წამოყენება, სამეცნიერო და სხვა სახის პუბლიკაციები, დამსახურება იურიდიული პროფესიისა და საზოგადოების წინაშე და სხვა.

მოძიებული ინფორმაციის თანახმად, კანდიდატი არ ეწევა საქმეცნიერო და პედაგოგიურ მოღვაწეობას. ჩაბარებული აქვს მოსამართლის საკვალიფიკაციო გამოცდა სამოქალაქო და ადმინისტრაციული სამართლის სპეციალიზაციით;

წარმატებით გაიარა მედიაციის (40 საათიანი) ტრენინგ კურსი; გაიარა საარბიტრაჟო საქმის მართვის სრული კურსი - დავების განმხილველი ცენტრი.

ყოველივე ზემოაღნიშნულის გათვალისწინებით, მიმაჩნია, რომ აღნიშნული მახასიათებლით შეფასებისას, ქეთევან სტურუას უნდა შეფასდეს მაქსიმალური **5 ქულიდან 3 ქულით**.

კანდიდატის შემაჯამებელი შეფასება:

ქეთევან სტურუას სრულად აკმაყოფილებს კეთილსინდისიერების კრიტერიუმს, ხოლო კომპეტენტურობის კრიტერიუმით შეფასებისას კანდიდატს ვაფასებ **87 ქულით, რაც მაქსიმალურ ქულათა ჯამის (100 ქულა) 87%-ს შეადგენს.**

ირაკლი ბონდარენკო



საქართველოს იუსტიციის უმაღლესი საბჭოს წევრი

09.12.2024 წელი